

اِسْتِغْنَا

نومرو ۱۰

بِخِشَبَه

۱۲ تشرین ثانی ۱۳۲۴

عین صورتله تولد ایتدیکنی کوسترمش و بو وجهله طبع بشردن منبعث قواعد عمومیه نك بر اساس کلیبی موجود اولدیغنه قناعت حاصل اولمشدر .

اون سکزنجی عصر فلسفه نك لایتغیر وابدی احکام حق و عدالت اولمق اوزره نشر ایتدیکی و فلسفه قدیمه نك علم الهینك بر عکس شعله سی کبی تلقی ایلدیکی اساسلرك بر چوغی اون طفوزنجی عصرده یکدیگریله تطبیق و مقایسه ایلدیلن قوانین و تعاملاتك مطالعه سی نتیجه سی اوله رق حقیقت ماده تاریخیه ایله تأید ایتمشدر .

احمد صلاح الدین

عثمانی استقراضلری [*]

۱۸۵۸ استقراضی . — سیواستوپولک فتحی متعاقب چار ایکنجی علسکساندری تعطیل مخاصمانه اجبار و پارس قونفره سنده پك زیاده حسن تأثیر حاصل ایدن ۱۸ شباط ۱۸۵۶ خط هایونی اعلان ایدلدی . دولت علیه نك تمامیت ملکیه و استقلالیت عالییه سی کفالت مشترکه دولیه ایله تصدیق و اوروپا حقوق عمومییه سندن حصه دار و حلقه سیاهی سنه ادخال ایتدیرمك و اصلاحات ملکیه سنده آخر دولتك مداخله سی قبول ایتمك کبی پك مهم اساسلری احتوا ایدن پارس معاهده نامه سی امضا اولندی . (۳۰ مارت ۱۸۵۶)

شوراسی ده علاوه ایتهدن کچمیه جکیز که حکومت سنیه کال جدیتله داخل اولمق ایستدیکی دوره رقی و تکاملده بعض مشکلاته دوچار ایدلمکدن قورنیه مدی از جمله خدمت عسکریه نك سیاناً تطبیقی مثللو بر تکلیف محق قارشوسنده تبعه غیر مسلمیه ؛ و مساوات اساسنك بتون عثمانیلره تشعیلی بالنتیجه امتیازات مذهبییه بی بحقر الفا و یا هیچ اولمازسه قسماً تعدیل ایده جکندن بو جهتله ده رؤسای روحانیه نك عدم ممنونیتی و حتی اصلاحات علمپنده بولنلرینی موجب

اولدیندن خط هایونک بعض مهم نقطه لری مع التأسف تطبیق اولنه مدی . [۱]
 دولتک ساحه اصلاحانده نظر دفته آلدینی مهم امور دن بری و بلکه
 برنجیسی شعبه مالیه سی اولدی . ویرکولرک بر صورت عادلده طرح و توزیع
 اصول جباتنده تعدیلات حسنه و نافع اجرایی و خزینه جلیله ایله مکلفین
 حقوقک متقابلاً تأمین و وقایه سی متصور اولمقله برابر اول باول محاربه زائله
 الجا آتیله کرک در سعادت ایچون و کرک طشره لرده کی اردولر ایچون اخراج
 اولسان و بر ملیون ایکی یوز اوتوز کسور بیک کیسه مقدارنده [بر کیسه
 ۴۵۸ غروشدن عبارتدر] بولنان قوائم نقدیه نک پیاسیه القا ایستدیکی امنیتلرک
 معاملات تجاریه یه ایقاع ایلدیکی مشکلات قطعاً بر طرف ایذک اقتصادیدییورایدی .
 بو ایسه موقع تداولده بولسان قوائم نقدیه نک کاملاً رفع و ابطالیه ممکن
 اوله جفتدن فائضی اوراق نقدیه نک اسهام جدیده ایله تبدیلی و فائضلر اولان
 اوراق نقدیه نک دخی ایکی سنه مرور یله قالدیرلمسی قرار کیر اولدی . شعبان ۱۲۷۴ [۲]
 شو مقاصد مهمه نک حصوله کله بیللمسی ایچون بر استقراض عقدی درجه
 وجوبده ایدی . انجق بکن استقراضک مذاکره سی انساننده ظهوره کلن
 مشکلات غلادستون و دیزرألی کبی مشاهیر ارباب سیاستک منابع واردات
 عثمانیه حقتده کوستردکاری عدم امنیت لوندره محافل مالیه سنده اویله ناخوش
 خاطرلر براقشدی که بر اوچنچی استقراض تشبثک منتج موفقیت اولسندن
 جداً شبهه ایدیلوردی .

فقط تشکر اولنورکه دیگر جهتدن عثمانی بانکهنک (Ottoman Bank)
 تأسس اتمسی ، خط هایونک افکار عمومیه ده تأثیرات حسنه حصوله کتیرمش
 اولمسی ، واصل محاربه کمال موفقیتله نتیجه لهرک معاملات مالیه و تجاریه نک
 تزید انبساط و فعالیت ایللمسی خارجیه ناظری قوآد پاشا ایله مذاکره کیریشن
 هیئت مالیه نک قوه معنویه سی خیلیدن خلیله جه تقویه و اصلاح ایستدیکندن

[۱] ئه رنست لایوس ایله آلفرد رامبونک تاریخ عمومی سی : شرق مسله سی جلد ۱۱

[۲] سلیمان سودی افندی مرحومک (اصول مسکوکات عثمانیه واجنبیه) نام آری .

حکومت سنیہ لوندرده کی دنت پالم و شرکامی باقیہ سیلہ بر استقراض عقدینہ موفق اولدی .

شرائط اساسیہ : اشبو استقراضک بدل اصلیمی ۵,۰۰۰,۰۰۰ لیرا استرلیندر . مبلغ مزبور دن ۳,۰۰۰,۰۰۰ لیرالق مقداری مقطوعاً مبیاعہ اولنہرق ماباقیمی ایچون متعهدلرک حق خیاری محافظہ ایدلدی . فیأت فائض سنوی یوزده آلتی و رأس المالہ محسوب ایچہ یوزده بر نسبتندہ اولوب رأس المالك باشہ باش وقرعہ کشیدہ می صورتیلہ ابتدای مارت ۱۸۶۰ دن ابتدای مارت ۱۸۹۳ تاریخہ قدر اوتوز سنہ ظرفندہ تسویہ می تقرر ایتدی . فائض و رأس المال ایچہ می تأدیاتی ایچون در سعادت کمرک وارداتیله اوقرتروا رسمندن سنوی تخصیص قلنان ۳۵۰,۰۰۰ لیرا استرلینک منتظماً تحصیلنہ تحویلات حامللری طرفندن منتخب دلکک لک نظارت ایتیمه می ده تصریح ایدلدی .

شایان دقندرکہ شو آغیر شرطک ۱۸۶۲ استقراض مقاولہ نامہ سنہ درج استدرلمش اولمی مؤخرأ تحویلات حامللری سندیقہ سنک (Le syndicat des bondholders) حکومت سنیہ بلر اجمعه بویکی استقراض تخصیصات سنویہ سنہ قارشولق کوستریلن وارداتک طوغریدن طوغریہ کندیلری طرفندن جیات اولنمی طلبنی انتاج ایتشد . (۱۸۷۲)

تحویلاتک بورسہ لردہ احرار ایدہ جکی بارلاق موقع حقندہ کی امیدلر بوشہ چیقدیغندن و مقطوعاً در عہدہ اولنسان قسمی اہالی طرفندن ایچق یوزده سکسان بش فیثانہ مبیاعہ ایدلمش اولدیغندن متعهدلرک بویوزدن حصولہ کان ضرر لر نی تہوین ایچون ۲,۰۰۰,۰۰۰ لیرا استرلینک بقیہ استقراضک مبیاعہ فیثاتی بالچوریہ یوزده ۶۲ نسبتندہ تعین اولندی . شو حسابہ کورہ ۵,۰۰۰,۰۰۰ لیرا استرلین بدل اصلینک مبیاعہ فیثاتی وسطی اولہرق یوزده تیش التی بہ تنزل و بناً علیہ اصحاب تحویلاتہ سنوی یوزده ۸,۴۷ فائض تأمین ایدیور دیمکدر .

اشبو استقراض حاصلی کاملاً قائمہ نک رفعہ تخصیص اولندی :

کیسه

۱,۲۳۷,۹۵۸ موقع تداولده بولنان فائضی و فائضز قائمه‌نك مقدار مخفی

۱,۰۹۷,۲۷۵ استقراض حاصل صافیدندن احراق اولنان قائمه‌نك یكونی

۱۴۰,۶۸۳

ابطال اولنمیه رقی موقع تداولده قالان قائمه‌نك مقداری بروجه بالا آلمش
میلیون کسور غروش قدر کورینیور ایسه ده تدقیقات واقعه نتیجه سنده مقدار
مذکورک سکه‌نک ملیونی متجاوز اولدینی تبیین ایستدیکندن نتیجه مطلوبه‌نك
استحصالی ایچون درسعادتده ، بالذات صاحب‌لری اقامت ایدن املاکک برسنه‌نك
دکری اولان کرالرینک یوزده اونسه و ارباب حرف و تجارتدن دخی اقامتکاهلرینک
کذلک بر سنه‌نك کرالرینک یوزده اونسه مساوی بر اعانه عمومیه جمع ایدلمسی
و طویلا نیلان قائمه‌لرک دخی معطیلرک کوزلری اوکونده تحصیله مأمور اولانلر
طرفندن زنبه‌لانیسی خصوصلرینه قرار ویرلدی . (۲۰ شباط ۱۸۶۰)

۶۰,۰۰۰ کیسه تخمین اولنان اشبو درسعادت و بلاد ثلثه اعانه‌سنک

۳۰,۰۰۰ کیسه سی تحصیل اولنوب بر طرفندن قصورینک اکمالیه اوغراشلقمده
دیگر طرفندن دخی اشبو التمش بیک کیسه‌نك اوست طرفی مبالغه مرتب
اولدینی محملردن جلیله ماضع لهنه صرفه اهتمام اولنقمده و ایکی سنه یه قدر
کافه قوائم نقدیه‌نك تداولدن چکلمش بولنه‌جغه اعتقاد اولنقمده ایکن شام‌حادثه‌سی
ظهوره کلسیله سالف‌الذکر یوز قرق یوز التمش بیک کیسه‌نك مبالغه قارشولنی
اولان تحصیلات حادثه مذکورنك رفی یولنده صرف و استهلاک اولنش
اولدیفندن قوائم موجوده بالضروره بر سنه ده تداولده قلقدن بشقه آن
بان تزايد ایدن مضایقه مالیه بی تهوین ایچون اقتصاد و مالیه اساسلرندن بی بهره
اولان حکومتلرده کوریه کلدیکی وجه‌ایله قارشولقسز قائمه اخراجنه دوام ایدلدی .
بر جوق فداکارلقلر اختیاریه عقد اولنان و اخلافه بش میلیون انکلیر
لیراسی مقدارنده آغیر بر بورج تحمیل ایدن بو استقراضده کی مقصد اصلی دخی
مع‌التأسف شو صورته فوت اولمشدر .

یوزده آلی فائضی اشبو ۱۸۵۸ استقراضیه کذلک یوزده آلی فائضی
 ۱۸۶۲ استقراضنک ۲۸ محرم ۱۲۹۹ نظامنامه موجبینجه نه صورتله تحویل ونه
 کبی شرائط تحتده (آ) ترتیبی تشکیل ایتدیکنی ایلروده کوره جکز .
 حکومت سفیه مذکور استقراضدن اولان بورجی کاملاً تسویه ایتمشدر .
 دارالمعالین معاملندن
 ناظم راغب

معاهدات

۸

فرانسه قایتولا سیونلری

۴

۳ - الیوم مرعی اولیان احکام

«فرانجه تجاری ممالک محروسه به کتوردکاری والوب کوتوردکاری امتعه دن
 قدیمدن بوآنه دکن یوزده بش ووروب لکن دولت علیه نك قدیمی دوستلرندن
 اولمغله یوزده اوج کرك ویرمک اوزره مجدداً اللرنده اولان عهدنامه هایونلرینه
 الحاق اولمق باینده استدعای غایت ایتمکین رجاری حیز قبولده واقع اولوب
 وجه مشروح اوزره ووروب زیاده طلب اولنمه وکمرکارین ادا ایلدکرندن ممالک
 محروسه ده جاری اولان نقود خزینسه عامریمه الندینی منوال اوزره النوب
 نقصان و زیاده طلیله رنجیده اولنیلر (ماده ۳۷) .»

۱۲۷۷ (۱۸۶۱) معاهده تجاریه سی ادخالات رسمی یوزده سکر اولمق
 اوزره تعیین ایلمش (بشنجی ماده) ایدی . اخیراً روم ایلی اصلاحاتی تخصیصات
 جدیده ومنضمه بی ایجاب ایتدیکندن قارشولنی اولمق اوزره بومقداره یوزده اوج
 ضم ایدلدی . تا کرید اغتشاشاتی اثناسنده استحصالنه بیهوده جایشلمش اولان
 بوضم مذاکرات مدیده نتیجه سنده و معاملات رسومیه نك مظهر صلاح وانتظام
 قیلنمی کبی تعهدات مقابلنده ودولترلله ایتلاف مخصوص موجبینجه، تحت امکانه
 - استشاره -